



Bosna i Hercegovina
Federacija Bosne i Hercegovine
**Federalni zavod
za statistiku**

**TROGODIŠNJI PLAN RADA
FEDERALNOG ZAVODA ZA STATISTIKU
ZA PERIOD 2017 – 2019.**

Novembar 2016, Sarajevo

Opis nadležnosti Federalnog zavoda za statistiku, vizija i misija

Službena statistika Federacije Bosne i Hercegovine uređena je Zakonom o statistici u Federaciji Bosne i Hercegovine („Službene novine Federacije BiH“ broj 63/03 i 9/09).

Nadležni federalni organ za poslove službene statistike u Federaciji BiH je Federalni zavod za statistiku (u daljem tekstu Zavod), koji organizuje i vrši statistička istraživanja od interesa za Federaciju BiH.

Zavod vrši stručne i druge poslove iz nadležnosti Federacije BiH koji se odnose na statistička istraživanja u Federaciji BiH, a naročito na: utvrđivanje jedinstvene metodologije statističkih istraživanja, jedinstvene statističke standarde, razvijanje jedinstvenog statističkog sistema kao dijela jedinstvenog sistema informisanja; uvođenje i vođenje administrativnih i statističkih registara (prostornih jedinica, preduzeća i sl.), evidencije propisane zakonom, razmjenjivanje statističkih podataka sa drugim državama i međunarodnim organizacijama proisteklih iz obaveza utvrđenih međunarodnim ugovorima i u skladu sa zakonom na državnom nivou kojim se uređuje ovo pitanje.

Zakon o statistici u Federaciji BiH pruža pravni okvir za organizaciju statistike, počevši od djelokruga rada, izvora podataka, izvještajnih jedinica, metodologija i standarda koji će se koristiti za proizvodnju statističkih podataka, rokova dostavljanja podataka za izvještajne jedinice, kao i rokova za realizaciju statističkih aktivnosti. Zavod u skladu sa načelom neutralnosti, objektivnosti i stručne neovisnosti, samostalno i profesionalno odlučuje o metodama i načinu prikupljanja, obrade, čuvanja i prezentiranja statističkih podataka.

Statistička istraživanja, u okviru svog djelokruga rada organiziraju i vrše i drugi ovlašteni proizvođači. Odnosi između Zavoda i ovlaštenih proizvođača statistike zasnivaju se na obaveznoj međusobnoj saradnji, obavještanju i koordinaciji. Sredstva potrebna za realizaciju statističkih aktivnosti osiguravaju su u Budžetu Federacije BiH.

Misija

Misija Zavoda je obezbjeđivanje i diseminacija kvalitetnih, pouzdanih i međunarodno uporedivih statističkih podataka, koji zadovoljavaju potrebe donosilaca odluka, istraživača i ostalih domaćih i stranih korisnika i odražavaju stanje i promjene u ekonomskom, demografskom i socijalnom području, području životne sredine i prirodnih resursa. Prikupljanje, obrada, analiza i diseminacija statističkih podataka vrši se na osnovu statističkih standarda i savremene tehnologije, uz zaštitu statističke povjerljivosti, optimalno korišćenje resursa i razumno opterećenje davalaca podataka.

Vizija

Zavod jačanjem svojih stručnih i infrastrukturnih kapaciteta i usvajanjem i primjenom najbolje statističke prakse postiže usklađenost sa međunarodnim statističkim standardima i načelima Kodeksa prakse europske statistike, poštujući fundamentalne vrijednosti kao što su stručnost, nezavisnost, nepristrasnost i otvorenost. Korisnicima se pod jednakim uslovima pružaju relevantni i visokokvalitetni statistički podaci i usluge, a opterećenje davalaca podataka je na razumnom nivou i proporcionalno je potrebama korisnika. Svrha djelovanja statističkog sistema u Federaciji BiH je prikupljanje, obrada, prezentovanje i arhiviranje statističkih podataka na području Federacije BiH, kako bi se na osnovu istih omogućio što realniji prikaz društvenog i ekonomskog stanja u Federaciji BiH.

Sažetak analize strateškog okvira koji se odnosi na Zavod

U savremenom svijetu zvanična statistika predstavlja osnovni izvor podataka o jednoj državi i njenoj društvenoj i ekonomskoj strukturi. Osnovni cilj Strategije razvoja statistike je da osigura okvir za ostvarivanje programskih ciljeva, koji će osigurati razvoj statističkog sistema u BiH, odnosno u Federaciji BiH, u učinkovit i moderan sistem, koji će znati kako da odredi svoje prioritete u skladu sa zahtjevima korisnika.

Strateškim okvirom se definišu dugoročni ciljevi, ali i opća načela, odrednice i kriteriji za djelovanje i razvoj statističkog sistema u Federaciji BiH. Strategija predstavlja i osnovu za određivanje popisa statističkih aktivnosti i skupa statističkih pokazatelja usklađenih sa zahtjevima i potrebama krajnjih korisnika, a ujedno i osnovu za izradu akcionog plana, tj. za definisanje statističkih aktivnosti, dinamike realizacije, kao i za planiranje rezultata za period strateškog upravljanja zvaničnom statistikom.

Strateški okvir je u znatnom dijelu određen i strateškim ciljevima Bosne i Hercegovine, ulaskom u Evropsku uniju, što pretpostavlja ubrzavanje procesa harmonizacije statističkog sistema BiH, odnosno Federacije BiH, sa statistikom EU.

Strategija pomaže razvoju statistike Federacije BiH na više načina, između ostalog:

- Pruža viziju o tome gdje bi se statistika Federacije BiH trebala nalaziti u budućnosti, i navodi sredstva koja će omogućiti postizanje te vizije;
- Omogućava procjenu razvoja i identifikira potrebne promjene;
- Pruža okvir za procjenu potrebe korisnika, što ima za cilj stvaranje svijesti o značaju i ulozi statistike u društvu;
- Potiče potražnju za statističkim podacima, u cilju poticanja donošenja adekvatnih odluka nosilaca političkog odlučivanja na osnovu pouzdanih statistika;
- Promoviše učinkovitije administrativne strategije, s ciljem poboljšanja korištenja administrativnih izvora za statističke svrhe;
- Poziva na jačanje partnerstva između proizvođača statistika i korisnika.

Opći ciljevi Strategije razvoja statistike, čija realizacija će pridonijeti podizanju povjerenja statistike su:

- Stvaranje preduvjeta za dalji dinamičan razvoj zvanične statistiku F BiH;
- Promovisanje uloge i značaja zvanične statistiku u društvu, što će inicirati njenu širu javnu upotrebu;
- Usmjeravanje razvoja zvanične statistiku u pravcu harmonizovanja standarda, klasifikacija, metodologija i statističke prakse sa međunarodnim standardima;
- Povećanje uporedivosti statistiku Federacije BiH sa statistikama drugih zemalja;
- Stvaranje osnova za dobijanje najznačajnijih statističkih pokazatelja.

Opći ciljevi će biti ostvareni implementacijom sljedećih strateških prioriteta:

1. Poboljšanje učinkovitosti statistike Federacije BiH, obuhvata sljedeće aktivnosti:
 - Jačanje koordinacijskih mehanizama i razmjene podataka između Federalnog zavoda za statistiku i Agencije za statistiku BiH, kao i između ostalih ovlaštenih proizvođača statistike,
 - Rad na harmonizaciji statistike Federacije BiH sa međunarodnom legislativom, standardima i praksom i
 - Korištenje administrativnih izvora za statističke namjene
2. Jačanje prepoznatljivosti i povjerenja u zvaničnu statistiku, obuhvata sljedeće aktivnosti:
 - Razvijanje saradnje sa davaocima podataka,
 - Poboljšanje i dalji razvoj metode zaštite i upravljanja statističkim podacima i
 - Jačanje stručne nezavisnosti i prepoznatljivosti statistike Federacije BiH
3. Promovisanje šire upotrebe statističkih podataka među korisnicima, obuhvata sljedeće aktivnosti:
 - Razvijanje i promovisanje dijaloga sa korisnicima,
 - Promovisanje korištenja statističkih podataka putem poboljšanog pristupa statističkim podacima i informacijama i
 - Razvoj statističkih oblasti na osnovu saradnje sa unutrašnjim i međunarodnim okruženjem.
4. Proizvodnja kvalitetne i korisniku razumljive statistike, obuhvata sljedeće aktivnosti:
 - Dalji razvoj sistema upravljanja kvalitetom,
 - Rad na unapređenju okvira kvaliteta i izvještavanja o kvalitetu
5. Optimizacija procesa i zadataka u statističkom proizvodnom procesu, obuhvata sljedeće aktivnosti:
 - Određivanje prioriteta u provođenju statističkih istraživanja i osiguranje odgovarajućih finansijskih resursa,
 - Optimizacija procesa i ostvarivanje efikasne informacione podrške i
 - Optimizacija unutrašnje organizacijske strukture i upravljanje ljudskim resursima

Opis unutrašnjeg i spoljnjeg okruženja u Zavodu bazirano na SWOT analizi

UNUTRAŠNJE OKRUŽENJE:

Zavod je samostalna upravna organizacija za poslove statistike u Federaciji BiH, koja na nepristrasan i stručan način proizvodi statističke podatke i iste dostavlja svim grupama korisnika, od Vlade i drugih organa i institucija do najšire javnosti.

Zavod ima šest sektora i deset kantonalnih službi. Sektori sa pripadajućim odsjecima su sljedeći:

1. Sektor poslovnih statistika - u okviru ovog sektora djeluje šest odsjeka koji provode statistička istraživanja i aktivnosti iz oblasti: poljoprivrede, šumarstva, ribarstva i okoliša; industrije, građevinarstva i energije; usluga i vanjske trgovine; strukturnih poslovnih statistika; te aktivnosti na održavanju poslovnog statističkog registra i registra prostornih jedinica.
2. Sektor za statistiku stanovništva i društvene statistike - u okviru ovog sektora djeluju pet odsjeka koji provode statistička istraživanja i aktivnosti iz oblasti: statistike stanovništva; statistike tržišta rada; statistike životnih uslova i statistike razvoja društva.
3. Sektor ekonomskih statistika - u okviru ovog sektora djeluju dva odsjeka koji provode statistička istraživanja i aktivnosti iz oblasti: statistike nacionalnih računa i statistike cijena.
4. Sektor za publicistiku i diseminaciju - u okviru ovog sektora djeluju dva odsjeka koja su zadužena za odnose s javnošću i biblioteku; kao i za publikovanje i diseminaciju podataka.
5. Sektor za pravne, kadrovske, finansijsko-računovodstvene i opće poslove - u okviru ovog sektora djeluju tri unutrašnje organizacione jedinice koje su zadužene za pravne, kadrovske i opće poslove, za finansijsko-računovodstvene poslove i pisarnica.
6. Sektor za informaciono-komunikacione tehnologije i statističke metode - u okviru ovog sektora djeluju četiri odsjeka koji su zaduženi za održavanje informacionog sistema i tehničku podršku, statističke metode i koordinaciju, razvoj aplikacija za unos podataka i za razvoj baza podataka i podršku diseminaciji.

Kantonalne službe, kao organizacione jedinice, prikupljaju potrebne podatke od kantonalnih organa uprave i drugih institucija, kao i gradskih, odnosno općinskih službi za upravu, i svih drugih pravnih i fizičkih lica koja su određena kao izvještajne jedinice.

SNAGA:

- **Profesionalna nezavisnost.** Zavod u skladu sa načelom neutralnosti, objektivnosti i stručne neovisnosti, samostalno i profesionalno odlučuje o metodama i načinu prikupljanja, obrade, čuvanja i prezentiranja statističkih podataka;
- **Stabilnost i pouzdanost IT sistema.** Zavod posjeduje savremeni IT sistem, u skladu na najnovijim tehnologijama;
- **Povjerljivost i zaštita statističkih podataka.** Podaci prikupljeni statističkim istraživanjima su strogo povjerljivi i upotrebljavaju se isključivo u statističke svrhe. Statistička povjerljivost je zagarantovana zakonom, i svaki zaposlenik se prilikom zasnivanja radnog odnosa svojim potpisom obavezuju da poštuju zakonom predviđenu obavezu poverljivosti statističkih podataka. Primjenjuje se strogi protokol za spoljne korisnike koji imaju pristup statističkim mikro podacima za istraživačke svrhe;
- **Statistički podaci dostupni i razumljivi širokom krugu korisnika.** Zavod na svojoj web stranici obezbjeđuje pravovremenu dostupnost statističkih podataka korisnicima. Zavod nastoji da korištenjem raznih medija i modernih tehnologija unaprijedi suradnju prema korisnicima. Kalendar publiciranja je dostupan javnosti na web stranici Zavoda. Pri svemu tome, bitno je voditi računa o poštivanju jednog od osnovnih statističkih principa, principa povjerljivosti i zaštite podataka, čime Zavod i dalje gradi povjerenje kada su u pitanju davaoci podataka. Rezultati zvanične statistike su dostupni istovremeno svim korisnicima pod jednakim uslovima.

SLABOSTI:

- **Nedovoljan broj zaposlenih kadrova.** Zbog sve većeg broja novih statističkih istraživanja i povećanja obima posla u svim sektorima, popunjenost kadrova u Zavodu nije na zadovoljavajućem nivou.
- **Nedovoljna stručna osposobljenost kadrova.** Iako Zavod ima određen broj kadrova sa dugogodišnjim iskustvom neophodna je kontinuirana stručna edukacija u oblasti primjene novih statističkih standarda i metodologija obzirom da je harmonizacija sa europskim statističkim sistemom kontinuiran proces.
- **Neodgovarajuća kadrovska popunjenost i osposobljenost u području informacione tehnologije.** S obzirom na uvođenje nove savremene IT tehnologije i sofisticiranih statističkih softvera, kadrovi nisu u dovoljnoj mjeri osposobljeni za upotrebu istih.
- **Nerazvijene metabaze podataka.** U Zavodu nije uspostavljen sistem metabaze podataka, u kojem bi se čuvali i međusobno povezivali podaci iz svih istraživanja. Uspostavom metabaze podataka, u mnogome bi se ubrzao proces proizvodnje statističkih podataka i smanjila bi se opterećenost izvještajnih jedinica.
- **Nerazvijene diseminacione baze podataka.**

VANJSKO OKRUŽENJE

PRILIKE:

- Bolja saradnja sa davaocima podataka, podizanjem svijesti izvještajnih jedinica o značaju statistike;
- Unapređenje saradnje sa korisnicima podataka;
- Unapređenje saradnje sa ovlaštenim proizvođačima podataka na nivou Federacije BiH;
- Harmonizacija legislative BiH sa EU regulativama, kao temelj za potpunu uporedivost podataka statistike BiH, odnosno Federacije BiH sa podacima zemalja EU;

PRIJETNJE:

- Budžetske restrikcije za provođenje istraživanja;
- Nedostatna međuinstitucionalna saradnja u obezbjeđivanju podataka putem administrativnih izvora;
- Preopterećenost izvještajnih jedinica sa statističkim i drugim upitnicima;
- Nizak odziv izvještajnih jedinica;
- Nepostojanje zakonske regulative kojom reguliše osnova za proizvodnju određenih statistika

SWOT ANALIZA:

UNUTRAŠNJI FAKTORI	
SNAGA: <ul style="list-style-type: none">- Profesionalna nezavisnost- Stabilnost i pouzdanost IT sistema- Povjerljivost i zaštita statističkih podataka- Statistički podaci dostupni i razumljivi širokom krugu korisnika	SLABOSTI: <ul style="list-style-type: none">- Nedovoljan broj zaposlenih kadrova- Nedovoljna stručna osposobljenost kadrova- Neodgovarajuća kadrovska popunjenost i osposobljenost u području informacione tehnologije- Nerazvijene metabaze podataka- Nerazvijene disiminacione baze podataka
VANJSKI FAKTORI	
PRILIKE: <ul style="list-style-type: none">- Bolja saradnja sa davaocima podataka, podizanjem svijesti izvještajnih jedinica o značaju statistike- Unapređenje saradnje sa korisnicima podataka- Unapređenje saradnje sa ovlaštenim proizvođačima podataka na nivou Federacije BiH- Harmonizacija legislative BiH sa EU regulativama, kao temelj za potpunu uporedivost podataka statistike Federacije BiH sa podacima zemalja EU	PRIJETNJE: <ul style="list-style-type: none">- Budžetske restrikcije za provođenje istraživanja- Nedostatna međuinstitucionalna saradnja u obezbjeđivanju podataka putem administrativnih izvora- Preopterećenost izvještajnih jedinica sa statističkim i drugim upitnicima- Nizak odziv izvještajnih jedinica- Nepostojanje zakonske regulative kojom reguliše osnova za proizvodnju određenih statistika

B. Pregled strateških ciljeva za Zavod i veza sa DOB

Strateški ciljevi	Izvor	Veza sa Strategijom razvoja	Program u DOB	Izvori i iznosi planiranih sredstava u hilj. KM						Partneri
				2017(t)		2018 (t+1)		2019 (t+2)		
1. Proizvesti pouzdane i međunarodno uporedive statističke podatke	- Zakon o statistici u Federaciji BiH („Službene novine Federacije BiH“ broj 63/03 i 9/09); - Strategija razvoja statistike BiH 2020	- Promovisanje uloge i značaja zvanične statistiku u društvu. - Usmjeravanje razvoja zvanične statistiku u pravcu harmonizovanja standarda, klasifikacija, metodologija i statističke prakse sa međunarodnim standardima. - Povećanje uporedivosti statistike FBiH sa statistikama drugih zemalja. - Stvaranje osnova za dobijanje najznačajnijih statističkih pokazatelja.	Program 1 - Proizvodnja statističkih podataka	DOB	6.156	DOB	5.520	DOB	5.432	- Agencija za statistiku BiH - Federalno ministarstvo pravde - Federalni zavod za penziono i invalidsko osiguranje - Federalni zavod za zapošljavanje - Federaralni hidrometeorološki zavod - Federalno ministarstvo zdravlja - Zavod za javno zdravlje FBiH - Zavod za zdravstveno osiguranje i reosiguranje FBiH
				PJI	-	PJI	-	PJI	-	
				Ostalo	62	Ostalo	-	Ostalo	-	

Strateški ciljevi	Izvor	Veza sa Strategijom razvoja	Program u DOB	Izvori i iznosi planiranih sredstava u hilj. KM						Partneri
				2017(t)		2018(t+1)		2019(t+2)		
1. Unaprijediti i razviti statistički sistem u Federaciji BiH uz jačanje statističkih kapaciteta	- Zakon o statistici u Federaciji BiH („Službene novine Federacije BiH“ broj 63/03 i 9/09); - Strategija razvoja statistike BiH 2020	- Stvaranje preduvjeta za dalji dinamičan razvoj zvanične statistiku FBiH. - Usmjeravanje razvoja zvanične statistiku u pravcu harmonizovanja standarda, klasifikacija, metodologija i statističke prakse sa međunarodnim standardima.	Program 2 - Diseminacija statističkih podataka, strateško upravljanje i administracija	DOB	1.670	DOB	1.498	DOB	1.497	- Agencija za statistiku BiH - Federalno ministarstvo pravde - Federalni zavod za penziono i invalidsko osiguranje - Federalni zavod za zapošljavanje - Federalni hidrometeorološki zavod - Federalno ministarstvo zdravstva - Zavod za javno zdravstvo FBiH - Zavod za zdravstveno osiguranje i reosiguranje FBiH
				PJI	-	PJI	-	PJI	-	
				Ostalo	-	Ostalo	-	Ostalo	-	

C. Očekivani operativni ciljevi i aktivnosti po strateškim ciljevima

Strateški cilj 1: Proizvesti pouzdane i međunarodno uporedive statističke podatke			
Mjere učinka za krajnje rezultate	Očekivani rezultati po godinama		
	2017 (t)	2018 (t+1)	2019 (t+2)
Statistički podaci	Proizvedeni pouzdani statistički podaci	Proizvedeni pouzdani statistički podaci	Proizvedeni pouzdani statistički podaci
Operativni cilj 1.1: Provesti statistička istraživanja iz svih statističkih oblasti			
Mjere učinka za izlazne (direktne) rezultate	Očekivani rezultati po godinama		
	2017 (t)	2018 (t+1)	2019 (t+2)
Statistička istraživanja	Provedena statistička istraživanja	Provedena statistička istraživanja	Provedena statistička istraživanja
Statističke aktivnosti	Provedene statističke aktivnosti	Provedene statističke aktivnosti	Provedene statističke aktivnosti
Očekivane aktivnosti: <ul style="list-style-type: none"> - Provođenje statističkih istraživanja iz oblasti Demografskih i socijalnih statistika - Provođenje statističkih istraživanja iz oblasti Poslovnih statistika - Provođenje statističkih istraživanja iz oblasti Makroekonomskih statistika - Provođenje statističkih istraživanja iz oblasti statistike Poljoprivrede, šumarstva i ribarstva - Provođenje statističkih istraživanja iz oblasti Multidomenskih statistika 			
Operativni cilj 1.2: Provesti anketna istraživanja			
Mjere učinka za izlazne (direktne) rezultate	Očekivani rezultati po godinama		
	2017 (t)	2018 (t+1)	2019 (t+2)
Anketa o potrošnji domaćinstava (APD)	Konačni rezultati APD 2015 (pokazatelji o novčanim izdacima domaćinstava, vrijednosti potrošnje iz vlastite proizvodnje i osnovnim socio - ekonomskim uvjetima u kojima domaćinstva žive)	Dodatni pokazatelji životnog standarda Analiza siromaštva Pripreme aktivnosti na provođenju ankete APD 2019	Provođenje ankete APD 2019
Anketa o radnoj snazi (ARS kontinuirana)	Provedena anketa i publikovani rezultati za 2017. godinu	Provedena anketa i publikovani rezultati za 2018. godinu.	Provedena anketa i publikovani rezultati za 2019. godinu.
Anketa o prihodima i životnom standardu u BiH (SILC)	Provedeno pilot istraživanje sa uvođenjem longitudinalne komponente SILC ankete. Izračunati indikatori	Provedeno istraživanje, rezultati (pokazatelji o prihodima domaćinstava, siromaštvu, socijalnoj isključenosti i uslovima života i osnovnim socio - ekonomskim uvjetima u kojima domaćinstva žive)	Konačni rezultati (pokazatelji o prihodima domaćinstava, siromaštvu, socijalnoj isključenosti i uslovima života i osnovnim socio - ekonomskim uvjetima u kojima domaćinstva žive)
Popis stanovništva, domaćinstava i stanova 2013	Izračunati dodatni pokazatelji na osnovu prikupljenih podataka i publikovane knjige	Izračunati dodatni pokazatelji na osnovu prikupljenih podataka	-
Popis poljoprivrede ¹	-	Popis poljoprivrede	Obrada podataka Popisa poljoprivrede

Anketa poljoprivrednih domaćinstava: "Istraživanje o zasijanim površinama i ranim procjenama prinosa važnijih usjeva"	Provedena anketa i publikovani rezultati u 2017. godini.	Provedena anketa i publikovani rezultati u 2018. godini.	Provedena anketa i publikovani rezultati u 2019. godini.
Anketa poljoprivrednih domaćinstava: "Godišnje istraživanje farmi"	Provedena anketa i publikovani rezultati u 2017. godini.	Provedena anketa i publikovani rezultati u 2018. godini.	Provedena anketa i publikovani rezultati u 2019. godini.
Anketa o upotrebi informaciono-komunikacionih tehnologija u domaćinstvima (IKT-D)	Provedena anketa i publikovani rezultati za 2017. godinu.	Provedena anketa i publikovani rezultati za 2018. godinu.	Provedena anketa i publikovani rezultati za 2019. godinu.
Anketa o potražnoj strani turizma	Provedeno istraživanje o učešću domaćeg stanovništva u turizmu u lične svrhe, turistička putovanja i karakteristike putovanja, u drugoj polovici 2017. godine.	Objavljeni rezultati ankete iz 2017. godine Provedeno istraživanje o učešću domaćeg stanovništva u turizmu u lične svrhe, turistička putovanja i karakteristike putovanja, u 2018. godini.	Objavljeni rezultati ankete iz 2018. godine Provedeno istraživanje o učešću domaćeg stanovništva u turizmu u lične svrhe, turistička putovanja i karakteristike putovanja, u 2019. godini.
Pilot projekat o prehrambenim navikama odrasle populacije u Federaciji BiH	Provedeno istraživanje, izrada izvještaja i objavljeni rezultati		
Anketa o obrazovanju odraslih	Provedeno istraživanje	Objavljeni rezultati	-

Očekivane aktivnosti:

- Analiza i pravljenje izlaznih tabela i objava rezultata ankete APD 2015
- Analiza siromaštva na osnovu APD 2015 ankete, u saradnji sa Agencijom za statistiku BiH i međunarodnim institucijama
- Priprema instrumentarija, obuka anketara, štampa, sastanci, provođenje na terenu, unos APD ankete 2019
- Priprema instrumentarija, provođenje na terenu, unos, obrada, analiza i objava rezultata ARS ankete
- Aktivnosti na pripremi na prelazak na kontinuirani ARS (odabir šeme uzorka, organizacija telefonskog anketiranja, donošenje odluke o veličini uzorka radi planiranja troškova, izbor pitanja koja se postavljaju u ponovljenom intervjuu, definisanje uloge IT i nova organizacija za provođenje Ankete)
- Provedeno pilot istraživanje, priprema instrumentarija, provođenje na terenu, unos, obrada, analiza i objava rezultata SILC ankete
- Analiza i izračun dodatnih pokazatelja na osnovu prikupljenih podataka Popisa
- Provođenje Popisa poljoprivrede*
- Analiza i obrada podataka Popisa poljoprivrede*
- Provođenje na terenu, unos, obrada, analiza i objava rezultata "Istraživanja o zasijanim površinama i ranim procjenama prinosa važnijih usjeva"
- Provođenje na terenu, unos, obrada, analiza i objava rezultata "Godišnjeg istraživanje farmi"
- Provođenje na terenu, unos, obrada, analiza i objava rezultata istraživanja IKT-D
- Provođenje na terenu, unos, obrada, analiza i objava rezultata istraživanja Potražne strane turizma
- Provođenje na terenu, obrada, analiza i objava rezultata istraživanja Ankete o obrazovanju odraslih
- Provođenje na terenu (preostala tri kvartala), kontrola unešenih podataka, čišćenje podataka, obrada, analiza i objava rezultata istraživanja Ankete o prehrambenim navikama odrasle populacije u Federaciji BiH

NAPOMENA:

¹ Očekivani rezultati po godinama i aktivnosti vezane za Popis poljoprivrede će biti moguće realizovati samo ukoliko se donese odgovarajuća Zakonska legislativa u 2017. godini.

Operativni cilj 1.3: Razviti nova i redizajnirati postojeća istraživanja i projekte u cilju daljnje harmonizacije i usklađivanja redovnih istraživanja i projekata, u skladu sa zahtjevima EU i nacionalnim potrebama			
Mjere učinka za izlazne (direktne) rezultate	Očekivani rezultati po godinama		
	2017 (t)	2018 (t+1)	2019 (t+2)
Kvartalni indeks proizvođačkih cijena usluga (SPPI)	Izračunat indeks proizvođačkih cijena u izabranim uslužnim djelatnostima u skladu sa važećim EU propisima	Izračunat indeks proizvođačkih cijena u izabranim uslužnim djelatnostima u skladu sa važećim EU propisima	Izračunat indeks proizvođačkih cijena u izabranim uslužnim djelatnostima u skladu sa važećim EU propisima
Indeks proizvođačkih cijena u građevinarstvu (CPPI)	Izračunat indeks proizvođačkih cijena u građevinarstvu u skladu sa važećim EU propisima	Izračunat indeks proizvođačkih cijena u građevinarstvu u skladu sa važećim EU propisima	Izračunat indeks proizvođačkih cijena u građevinarstvu u skladu sa važećim EU propisima
Priprema za uvođenje sistema upravljanja kvalitetom (ISO-TQM/6SIGMA)	Finalizirane pripreme za uvođenje sistema upravljanja kvalitetom (ISO-TQM/6SIGMA)	Uveden sistem upravljanja kvalitetom (ISO-TQM/6SIGMA)	-
Prva konferencija zvanične statistike	Organizovana prva konferencija zvanične statistike	-	-
Očekivane aktivnosti: <ul style="list-style-type: none"> - Prikupljanje, unos, obrada i analiza podataka; izrada indeksa proizvođačkih cijena usluga. - Prikupljanje, unos, obrada i analiza podataka; izrada indeksa proizvođačkih cijena u građevinarstvu - Definisanje i izrada projektnih aktivnosti za izradu PUK-a u cilju poboljšanja statističkih procesa i proizvoda - Organizacija međunarodne konferencije o zvaničnoj statistici u saradnji sa Ekonomskim fakultetom u Sarajevu (okvirna tema: Razvoj zvanične statistiku u BiH: vizija, pravci, mogućnosti, izazovi) 			
Strateški cilj 2: Unaprijediti i razviti statistički sistem u Federaciji BiH uz jačanje statističkih kapaciteta			
Mjere učinka za krajnje rezultate	Očekivani rezultati po godinama		
	2017 (t)	2018 (t+1)	2019 (t+2)
Razvijen statistički sistem u FBiH	Osiguran pravni, organizacioni, informaciono – tehnički i finansijski temelj za razvoj statističkog sistema u FBiH	Osiguran pravni, organizacioni, informaciono – tehnički i finansijski temelj za razvoj statističkog sistema u FBiH	Osiguran pravni, organizacioni, informaciono – tehnički i finansijski temelj za razvoj statističkog sistema u FBiH
Operativni cilj 2.1: Obezbijediti pravovremenu diseminaciju statističkih podataka			
Mjere učinka za izlazne (direktne) rezultate	Očekivani rezultati po godinama		
	2017 (t)	2018 (t+1)	2019 (t+2)
Statističke publikacije	Pravovremeno objavljene publikacije sa statističkim podacima na mjesečnom, kvartalnom i godišnjem nivou	Pravovremeno objavljene publikacije sa statističkim podacima na mjesečnom, kvartalnom i godišnjem nivou	Pravovremeno objavljene publikacije sa statističkim podacima na mjesečnom, kvartalnom i godišnjem nivou
Očekivane aktivnosti: <ul style="list-style-type: none"> - Priprema mjesečnih, kvartalnih i godišnjih sopćenja i biltena - Objavlivanje publikacija na mjesečnom, kvartalnom i godišnjem nivou na web stranici Zavoda - Štampa statističkih publikacija i distribucija korisnicima 			

Operativni cilj 2.2: Osigurati pravni i organizacioni temelj za razvoj statističkog sistema u Federaciji BiH			
Mjere učinka za izlazne (direktne) rezultate	Očekivani rezultati po godinama		
	2017 (t)	2018 (t+1)	2019 (t+2)
Pravna i organizaciona podrška	Blagovremeno donešena prvostepena rješenja Nacrt Zakon o statistici u FBiH	Blagovremeno donešena prvostepena rješenja Usvojen Zakon o statistici u F BiH	Blagovremeno donešena prvostepena rješenja
Mjesečni, tromjesečni, godišnji i trogodišnji finansijski planovi i kvartalni i godišnji obračuni	Urađeni finansijski planovi i kvartalni i godišnji obračuni	Urađeni finansijski planovi i kvartalni i godišnji obračuni	Urađeni finansijski planovi i kvartalni i godišnji obračuni
Operativni cilj 2.3: Obezbijediti informaciono-tehničku i metodološku podršku statističkim istraživanjima			
Mjere učinka za izlazne (direktne) rezultate	Očekivani rezultati po godinama		
	2017 (t)	2018 (t+1)	2019 (t+2)
Informaciono – tehnički sistem	Obezbijedena stabilna i adekvatna IT infrastruktura	Obezbijedena stabilna i adekvatna IT infrastruktura	Obezbijedena stabilna i adekvatna IT infrastruktura
Aplikacije za unos i obradu podataka	Razvijene nove i unaprijeđene postojeće aplikacije za unos i obradu podataka	Razvijene nove i unaprijeđene postojeće aplikacije za unos i obradu podataka	Razvijene nove i unaprijeđene postojeće aplikacije za unos i obradu podataka
Uzorak i statistička analiza podataka	Dizajnirani uzorci i izvršena statistička analiza podataka	Dizajnirani uzorci i izvršena statistička analiza podataka	Dizajnirani uzorci i izvršena statistička analiza podataka
Baze podataka	Razvijene nove i unaprijeđene postojeće baze podataka	Razvijene nove i unaprijeđene postojeće baze podataka	Razvijene nove i unaprijeđene postojeće baze podataka
Očekivane aktivnosti: <ul style="list-style-type: none"> - Kontinuirana sistemska administracija servera, računarske, mrežne opreme kao i ostalih komponenti ICT Sistema. - Zamjena dotrajale ICT opreme. - Implementacija novih servisa u cilju poboljšanja i optimizacije poslovnih procesa. - Kontinuirana izrada i održavanje programa za unos, kontrolu i obradu podataka za statistička istraživanja i razvoj novih aplikacija. - Praćenje razvoja softvera i softverskih alata i unaprijeđenje aktivnosti primjenom istih. - Izrada uzoraka i statistička analiza podataka za sva istraživanja koja se provode na bazi uzorka, uz korištenje matematičkih metoda i statističkih softvera. - Kontinuiran rad na razvoju novih i unapređenju postojećih baza podataka. 			



DIREKTOR

Dr. Emir Kremić